

**Bosna i Hercegovina**  
**Federacija Bosne i Hercegovine**  
**Zeničko-dobojski kanton**  
**OPĆINA VAREŠ**  
**OPĆINSKO VIJEĆE**



**Broj: 01-35/18**  
**Vareš, 28.02.2018. godine**

**Z A P I S N I K**  
**sa 14. sjednice Općinskog vijeća Vareš,**  
**održane 31.01. 2018. godine**

Kenan Kamenjaš – predsjedavajući Općinskog vijeća Vareš, otvorio je 14. sjednicu s početkom u 15,00 sati, u velikoj sali Općine Vareš.

Izvršena je prozivka vijećnika.

**Prisutni vijećnici:** Ajanović Mirnes, Čizmo Adis, Džafo Dženan, Fatić Ilhana, Islamović Emir, Kamenjaš Alma, Kamenjaš Kenan, Kevrić Đemo, Mario Marošević, Mirčić Mario, Muftić Safeta, Muftić Anel, Mušanović Nedžad, Ridić Kruno, Romić Branko, Rožajac Elvir, Šimić Igor, Šimić Nikola i Turki Fadila.

**Odsutni:** Nema.

Pored vijećnika sjednici prisustvuju: Općinski načelnik – gosp. Zdravko Marošević, sekretar Općinskog vijeća – gosp. Leon Pavlović, pomoćnici općinskog načelnika – gosp. Ermin Musa i gosp. Rusmir Berberović, komandir Policijske stanice Vareš - gosp. Karamustafić Edin, predstavnik OSCE-a - gosp. Daut Bajramović, predsjednici političkih partija i predstavnici medija.

Sekretar OV Leon Pavlović izvijestio je Vijeće o zaključku i odgovorima na postavljena vijećnička pitanja sa 13. sjednice OV održane 28.12.2017. godine. Na 13. sjednici OV donijelo je jedan (1) zaključak koji je u toku realizacije. Postavljeno je jedanaest (11) vijećničkih pitanja. Na sva pitanja dostavljeni su pismeni odgovori podnosiocima vijećničkih pitanja i usmeni odgovor na sjednici od strane Općinskog načelnika.

Općinski načelnik gosp. Zdravko Marošević u okviru aktuelne problematike na području općine Vareš za današnju sjednicu u svom obraćanju izvijestio je prisutne o redovnim aktivnostima organa uprave i aktivnostima koji se odnose na projekte. U vezi s tim pozvao je sve koji imaju projekte da apliciraju kod nadležnih viših nivoa vlasti za određena novčana sredstva za realizaciju određenih i realnih projekata.

**adresa:** Zvijezda 34, 71330 Vareš  
**identifikacijski broj:** 4218285300002  
**depozitni račun Unicredit banka:**  
3380002210017420

**tel.:** 00387 32 848 100;  
**fax:** 00387 32 848 150;  
**web:** www.vares.info  
**e-mail:** vares@bih.net.ba



## *(Vijećnička pitanja)*

### **Elvir Rožajac**

1. Dionica puta Ivančevo – Vijaka – Odvojak je u katastrofalnom stanju, molim nadležne organe da se nešto poduzmu po tom pitanju i zašto se dosad to nije uradilo?( o postavljenom pitanju dao je dodatno obrazloženje)
2. Šta je sa rješavanjem ulične rasvjete u MZ Ravne?

### **Kruno Ridić**

3. Pitanje je uputio Općinskom načelniku: „Kada možemo očekivati da će početi isplata poljoprivrednih poticaja za 2017. godinu, imate li neki plan i dinamiku kojom će se ta sredstva isplaćivati, i kada bi i posljednji aplikant mogao da očekuje da mu sredstva budu isplaćena“? (o postavljenom pitanju dao je dodatno obrazloženje)

### **Branko Romić**

4. U kakvom je stanju objekat Radnički dom u kojem se izvršavaju radovi?  
(o postavljenom pitanju dao je dodatno obrazloženje)
5. U kakvom je stanju Kino-sala, šta se sa Kino-salom namjerava dalje činiti?  
(o postavljenom pitanju dao je dodatno obrazloženje)

### **Fadila Turki**

6. Da li se može regulisati vrijeme paljenja i gašenja javne rasvjete? (o postavljenom pitanju dala je dodatno obrazloženje)

### **Mirnes Ajanović**

7. Pitanje je uputio općinskom načelniku: „Kakvu viziju imate i eventualnu ideju rješenja kada je u pitanju jedini pravi autentični Planinarski dom „Javorje“ na planini Perun, koji je pod rukovođenjem istoimenog planinarskog društva koje egzistira na našoj lokalnoj zajednici“? (o postavljenom pitanju dao je dodatno pojašnjenje)
8. Da li postoji mogućnost preko opštinske službe kojoj je to u opisu posla, da se preusmjeri dio sredstava od vijećničkih paušala, o kojem bi se dogovorili vijećnici, na račun našeg sugrađanina Marina Divkovića za pomoć u liječenju?

## Safeta Muftić

9. Pitanje je uputila JKP d.o.o. Vareš: „Da li postoji neki razlog radi kojeg se ne vrši adekvatno čišćenje sporednih gradskih ulica i trotoara“?

## Demo Kevrić

10. Može li se dobiti informacija o trenutnom stanju nogometnog igrališta u Vareš Majdanu, da nam se prikažu njegova dugovanja i početak obnove igrališta?
11. Da li se uz budžetom planirana sredstva za rad MZ za tekuću godinu, mogu planirati dodatna sredstva za opremanje prostorija u svim MZ za provođenje nastupajućih općih izbora?

## Emir Islamović

12. Pitanje je uputio Općinskom načelniku: „Da li će doći do realizacije projekata koji su uplaćeni u periodu prije vašeg imenovanja, konkretno igralište na Budoželju“?

Općinski načelnik dao je usmene odgovore na postavljena vijećnička pitanja.

Predsjedavajući OV stavio je na raspravu Zapisnik sa 13. sjednice OV.

Nije bilo primjedbi i predsjedavajući OV stavio je na izjašnjavanje Zapisnik sa 13. sjednice OV i nakon izjašnjavanja vijećnika konstatuje da je **jednoglasno sa (19 glasova „ZA“)** usvojen Zapisnik sa 13. sjednice OV.

Predsjedavajući OV stavio je na raspravu prijedlog dnevnog reda za 14. sjednicu OV koji je usaglašen na Kolegiju Općinskog vijeća.

Ispred ovlaštenog predlagača pomoćnik načelnika Ermin Musa predložio je dopunu dnevnog reda današnje sjednice sa tačkom 5. „Prijedlog Rješenja o utvrđivanju prava vlasništva Medžlisu islamske zajednice Vareš“.

Predsjedavajući OV stavio je na izjašnjavanje prijedlog dopune dnevnog reda 14. sjednice sa tačkom 5. Prijedlog Rješenja o utvrđivanju prava vlasništva Medžlisu islamske zajednice Vareš“, te nakon izjašnjavanja konstatuje da je **jednoglasno (sa 19 glasova „ZA“)** usvojen prijedlog dopune dnevnog reda.

Predsjedavajući OV stavio je na izjašnjavanje prijedlog dnevnog reda za 14. sjednicu OV sa usvojenom dopunom.

Nakon izjašnjavanja vijećnika predsjedavajući OV konstatuje da je **jednoglasno sa (19 glasova „ZA“)** usvojen sljedeći

## ***Dnevni red:***

1. Prijedlog Odluke o konačnoj prosječnoj građevinskoj cijeni 1m<sup>2</sup> korisne stambene površine na području općine Vareš za 2017. godinu.
  - Izvjestilac: Ermin Musa
  
2. Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2018. godinu.
  - Izvjestilac: Ermin Musa.
  
3. Prijedlog Odluke o naknadama vijećnika i članova radnih tijela Općinskog vijeća Vareš.
  - Izvjestilac: Općinski načelnik.
  
4. Prijedlog Rješenja o prestanku prava upravljanja i posjeda DP Rudnik olova, cinka i barita Vareš.
  - Izvjestilac: Ermin Musa.
  
5. Prijedlog Rješenja o utvrđivanju prava vlasništva Medžlisu islamske zajednice Vareš.
  - Izvjestilac: Ermin Musa.
  
6. Informacija o radu PS Vareš sa ocjenom stanja bezbjednosti za 2017. godinu.
  - Izvjestilac: Predstavnik PS Vareš.
  
7. Izvještaj o realizaciji programa rada Općinskog vijeća Vareš za 2017. godinu.
  - Izvjestilac: Sekretar OV.
  
8. Tekuća pitanja

### **Ad. 1.**

*(Prijedlog Odluke o konačnoj prosječnoj građevinskoj cijeni 1m<sup>2</sup> korisne stambene površine na području općine Vareš za 2017.godinu.)*

Komisija za statutarna pitanja i propise na 9. sjednici održanoj 22.01.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o prosječnoj konačnoj građevinskoj cijeni 1 m<sup>2</sup> korisne stambene površine na području općine Vareš za 2017. godinu, te je upućuje Vijeću na razmatranje.

Otvorena je rasprava u kojoj su učestvovali vijećnica Fadila Turki i pomoćnik načelnika Ermin Musa koji je dao odgovor na postavljeno pitanje vijećnice Fadile Turki.

Zaključena je rasprava i predsjedavajući OV stavio je na izjašnjavanje Prijedlog Odluke o konačnoj prosječnoj građevinskoj cijeni 1 m<sup>2</sup> korisne stambene površine na području općine Vareš za 2017. godinu.

Nakon izjašnjavanja vijećnika predsjedavajući OV konstatuje da je **jednoglasno ( sa 19 glasova „ZA“)** usvojena

***Odluka o konačnoj prosječnoj građevinskoj cijeni 1m<sup>2</sup>  
korisne stambene površine na području općine Vareš za 2017.godinu***

**Ad. 2.**

*(Prijedlog Odluke o raspodjeli sredstava za političke stranke  
u Općinskom vijeću Vareš iz budžeta Općine Vareš za 2018. godinu.)*

Komisija za statutarna pitanja i propise na 9. sjednici održanoj 22.01.2018. godine jednoglasno je donijela sljedeći Zaključak:

- Komisija nema primjedbi na Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2018. godinu, te je upućuje Vijeću na razmatranje.

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2018. godinu.

Nakon izjašnjavanja vijećnika predsjedavajući OV konstatuje da je **jednoglasno (sa 19 glasova „ZA“)** usvojena

***Odluka o raspodjeli sredstava za političke stranke  
u Općinskom vijeću Vareš iz budžeta Općine Vareš za 2018. godinu***

**Ad.3.**

*(Prijedlog Odluke o naknadama vijećnika i članova radnih tijela Općinskog vijeća Vareš.)*

Komisija za statutarna pitanja i propise na 9. sjednici održanoj 22.01.2018. godine jednoglasno je donijela sljedeći Zaključak:

- Komisije upućuje Vijeću na razmatranje Prijedlog Odluke o naknadama vijećnika i članova radnih tijela Općinskog vijeća Vareš uz prijedlog da se naknada za predsjedavajućeg u predloženom iznosu od 420,00 KM smanji na iznos od 300,00 KM.

Ovlašteni predlagač nije imao dodatno pojašnjenje za ovu tačku dnevnog reda.

Otvorena je rasprava u kojoj su svoja mišljenja i stavove iznijeli vijećnici: Elvir Rožajac, Mirnes Ajanović, Safeta Muftić, Branko Romić, Fadila Turki i Općinski načelnik Zdravko Marošević koji je dao dodatno pojašnjenje za ovu tačku dnevnog reda i iznio svoje mišljenje u vezi diskusija vijećnika u raspravi.

Zaključena je rasprava i predsjedavajući OV stavio je na izjašnjavanje Prijedlog Odluke o naknadama vijećnika i članova radnih tijela Općinskog vijeća Vareš.

Nakon izjašnjavanja vijećnika predsjedavajući OV konstatuje da je **sa 12 glasova „ZA“, 3 glasa „PROTIV“ i 4 „SUZDRŽANA“ glasa usvojena**

***Odluka o naknadama vijećnika i članova radnih tijela Općinskog vijeća Vareš.***

#### **Ad.4.**

*(Prijedlog Rješenja o prestanku prava upravljanja i posjeda DP Rudnik olova, cinka i barita Vareš.*

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o prestanku prava upravljanja i posjeda DP Rudnik olova, cinka i barita Vareš.

Nakon izjašnjavanja vijećnika predsjedavajući OV konstatuje da je **jednoglasno ( sa 19 glasova „ZA“) glasa usvojeno**

***Rješenje o prestanku prava upravljanja i posjeda DP Rudnik olova, cinka i barita.***

#### **Ad.5.**

*(Prijedlog Rješenja o utvrđivanju prava vlasništva Medžlisu islamske zajednice Vareš.)*

Ovlašteni predlagač nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o utvrđivanju prava vlasništva Medžlisu islamske zajednice Vareš.

Nakon izjašnjavanja vijećnika predsjedavajući OV konstatuje da je **jednoglasno ( sa 19 glasova „ZA“) glasa usvojeno**

***Rješenje o utvrđivanju prava vlasništva Medžlisu islamske zajednice Vareš.***

#### **Ad.6.**

*(Informacija o radu PS Vareš sa ocjenom stanja bezbjednosti za 2017.godinu.)*

Otvorena je rasprava u kojoj su učestvovali vijećnici: Safeta Muftić, Mirnes Ajanović, Kruno Ridić, Adis Čizmo, Đemo Kevrić i komandir PS Vareš gosp. Edin Karamustafić koji je dao neka dodatna pojašnjenja za ovu tačku dnevnog reda.

Zaključena je rasprava i predsjedavajući OV konstatuje uz Zaključak da je **Vijeće primilo k znanju**

***Informaciju o radu PS Vareš sa ocjenom stanja bezbjednosti za 2017. godinu.***

## **Ad.7.**

*(Izveštaj o realizaciji Programa rada Općinskog vijeća Vareš za 2017. godinu.)*

Sekretar OV dao je dodatno pojašnjenje za ovu tačku dnevnog reda.

U raspravi su učestvovali vijećnik Kruno Riđić i sekretar OV Leon Pavlović koji je odgovorio na postavljeno pitanje vijećnika.

Zaključena je rasprava i predsjedavajući OV stavio je na izjašnjavaње Izveštaj o realizaciji Programa rada Općinskog vijeća Vareš za 2017. godinu.

Nakon izjašnjavaња vijećnika predsjedavajući OV konstatuje da je jednoglasno (**sa 19 glasova „ZA“**) glasa usvojen

***Izveštaj o realizaciji Programa rada Općinskog vijeća Vareš za 2017. godinu.  
Vareš.***

Predsjedavajući OV dao je pauzu u trajanju od 15 minuta.

Nakon pauze nastavljeno je sa radom današnje sjednice.

## **Ad.8**

*(Tekuća pitanja)*

1. Predsjedavajući OV upoznao je Vijeće sa dopisom –molbom za parkiranje motornih vozila u ulici Put mira Vareš od 08.01.2018. godine dostavljenog od gosp. Safeta i Senije Karamehić.

Općinski načelnik u svom obraćanju izjavio je da postojeći propisi Općine u vezi parkiranja i obilježavanja signalizacijom su dostavljeni i Policijskoj stanici Vareš radi primjene istih. Nadležne službe rade na donošenju nove Odluke o utvrđivanju površine za parkiranje motornih vozila na području grada Vareša, te da će se uzeti u razmatranje u postupku kod donošenja Odluke mišljenja i prijedlozi podnosioca dopisa-molbe.

2. Predsjedavajući OV upoznao je Vijeće sa Zahtjevima Doma zdravlja Vareš koji su upućeni Zavodu zdravstvenog osiguranja Ze-do kantona radi održavanja hitnog sastanka u vezi obračuna sredstava za 2018. godinu.

Općinski načelnik javio se za riječ i izjavio da je bio prisutan na sastanku menadžmenta Doma zdravlja Vareš na kome je upoznat sa problemom javne ustanove koji se odnosi na nedovoljno obračunata sredstva za Dom zdravlja Vareš od strane Zavoda zdravstvenog osiguranja Ze-do kantona.

U vezi toga izjavio je da on i OV mogu dati podršku Domu zdravlja Vareš donošenjem zaključka i upućivanjem dopisa nadležnom ministarstvu i Zavodu zdravstvenog osiguranja Ze-do kantona u kome bi se navela zabrinutost za poslovanje i uspješan rad javne ustanove i osiguravanja zdravstvene zaštite na nivou općine. O istom je dao pojašnjenje.

U raspravi su učestvovali vijećnici Elvir Rožajac (koji je skrenuo pažnju građanima na zdravstvene markice koje mogu kupiti na dobrovoljnoj osnovi i time biti

oslobođeni plaćanja određenih zdravstvenih usluga) i Kruno Ridić (postavio pitanje u vezi osnivanja Zdravstvenog savjeta općine Vareš.).

Predsjedavajući OV je na osnovu rasprave i prijedloga Općinskog načelnika predložio i stavio na izjašnjavanje sljedeći:

**Zaključak:**

**-Zadužuje se Općinski načelnik i nadležne službe da ispred Općinskog vijeća upute dopis premijeru, nadležnom ministarstvu i direktorici Zavoda zdravstvenog osiguranja Ze-do kantona o problemu u kome se nalazi Dom zdravlja Vareš i potrebne pomoći Domu zdravlja i svim drugim problemima koji su izneseni (mali broj stanovnika, razuđenost općine i dr.) i svemu onome što bi doprinijelo da se na neki način ukaže potreba za potrebnim dodatnim finansijskim sredstvima koja su potrebna Domu zdravlja Vareš za izvršavanje obaveza po Kolektivnom ugovoru i za normalno poslovanje javne ustanove.**

Nakon izjašnjavanja vijećnika predsjedavajući OV konstatuje da je predloženi **Zaključak jednoglasno (sa 19 glasova „ZA“) usvojen.**

Sastavni dio ovog Zapisnika je audio zapis sjednice.

Sjednica je završena u 17,30 sati.

***SEKRETAR***

**Leon Pavlović**

***ZAPISNIČAR***

**Azra Pijadžer**

***ZAMJENIK  
PREDSJEDAVALA  
OPĆINSKOG VIJEĆA***

**Nikola Šimić**